

棗陽縣志卷八

學校 書院 考棚 賓興附

學宮在縣治東南唐宋以前建置無攷

元至元庚寅創大成殿

大德丁酉建東西兩廡及戟門

至大庚戌建講堂

延祐丙辰繪諸賢像

泰定元年修葺大成殿有碑

至治二年知縣鄧思易置祭品有碑

棗陽縣志

卷八

學校

一

明洪武五年知縣吳子俊重建大成殿及兩廡戟門名宦鄉賢二祠前為櫺星門殿後起明倫堂東西一齋神廚倉庫饌堂并置教官署於堂之西北


按舊志謂建學自洪武元年始殊失考據今從泰定元年重修文廟碑至治中置祭器碑補入

天順閒知縣黃金以石易櫺星門鑿泮池磬以石橋

成化閒知縣楊瑛立射圃

正德閒知縣安邦重修儒學

嘉靖十年知縣胡貴建敬一亭於明倫堂後奉 旨撤像易



木主改大成殿爲先師廟戟門爲廟門立啓聖祠

嘉靖二十二年知縣李一龍建文昌祠宰牲所題兩齋爲日新時習兩門爲禮門義路

嘉靖三十一年知縣王充耕遷泮池於櫺星門外

萬曆元年知縣王應辰建宣文閣於明倫堂之後中置敬一碑遷文昌祠於崇文樓之左改建明倫堂以敬一亭附益之移教官署於閣東西二齋爲進德修業學宮之東爲儒學門左右爲登龍起鳳二坊列科第姓名

國朝順治閒知縣柯聳重修文昌祠

棗陽縣志

卷八

學校

二

康熙十一年知縣劉嗣煦重修東西兩廡鼎建奎星樓刻像於其上

康熙四十六年知縣朱作楫教諭徐光林訓導王希偁以學宮舊制逼近城垣移聖殿於明倫堂基後兩廡鄉賢名宦祠泮橋俱改修

康熙五十五年知縣孫常訓導王希偁重建明倫堂

乾隆九年知縣徐芳桂教諭唐治訓導熊宋儒重開崇文門於門左百餘步建文昌閣移奎星像於上修整泮橋建櫺星門於橋前改明倫堂爲崇聖祠以鄉賢祠東門樓房址建明

倫堂

乾隆十九年知縣張載遠重修

乾隆二十三年知縣黃文瑗建崇文樓於崇文門上左修文昌閣右建圖南門像三台以拱衛學宮

咸豐元年知縣陳子飭會集紳耆捐修東牆外買添袁兆鏊宅基長一丈寬四尺餘西牆外職員楊守敏廩生楊兆先貢生楊法先共讓宅基東西八尺一寸南北八丈二尺因於殿之原基東西各擴六尺五寸北擴五尺基深一丈臺崇七尺五寸加高一丈三尺有奇建修大成殿殿前堂臺環以石欄

棗陽縣志

卷八

學校

三

大成門左爲名宦祠右爲鄉賢祠西偏建忠義節孝二祠大成門外石坊上題垂憲萬古左右書德配天地道冠古今櫺星門兩旁東曰禮門西曰義路

同治四年知縣張聲正董率紳耆修建泮池中甃一孔周圍嵌以石欄大成殿後殿及兩廡木主龕柱門扇均加油飾環墻俱飾以硃并重新殿內匾額

大成殿

至聖先師孔子神位

木主高二尺三寸七分濶四寸厚七分座高四寸長七寸

厚三寸四分四配主高一尺五寸濶三寸二分十二哲兩  
廡高一尺四寸濶二寸六分厚五分座高二寸六分長四  
寸厚二寸

東配

復聖顏子

字子淵魯人魏正始二年配享唐稱亞聖元至順元年稱復聖公

述聖子思子

宋大觀二年從祀端平二年升十哲咸淳三年配享元至順元年稱述聖公

西配

宗聖曾子

字子輿南武城人唐乾封元年入祀宋咸淳三年配享元至順元年稱宗聖公

亞聖孟子

字子輿一字子車鄒人宋元豐七年配享元至順元年稱亞聖公

棗陽縣志

卷八

學校

四

以上配位宋以前皆稱封爵元至順元年贈顏子兗國

復聖公會子邾國宗聖公子思子沂國述聖公孟子鄒

國亞聖公明嘉靖九年改稱復聖顏子宗聖曾子述聖

子思子亞聖孟子

國朝因之

東哲

先賢閔子

損字子騫魯人唐開元八年從祀

先賢冉子

耕字伯牛魯人唐開元八年從祀

先賢端木子

賜字子貢衛人唐開元八年從祀

先賢仲子

由字子路一字季路卞人唐開元八年從祀

先賢卜子

商字子夏衛人一日温國人唐貞觀二十一年從祀稱先儒開元八年升十哲宋熙寧七年州縣皆升

東廡先賢

十哲

先賢有子

若字子有或作子若魯人唐開元八年從祀本朝乾隆三年升列哲位

西哲

先賢冉子

雍字仲弓伯牛之族唐開元八年從祀

先賢宰子

予字子我魯人唐開元八年從祀

先賢冉子

求字子有仲弓之族唐開元八年從祀

先賢言子

偃字子游吳人唐開元八年從祀

易系志

卷八

學校

五

先賢顓孫子

師字子張陳人唐開元八年從祀宋咸濟三年升配十哲

先賢朱子

熹字仲晦婺源人謚文宋高宗元年從祀明崇禎十五年與周程張邵並改稱先賢位七十一下本朝康熙五十年升配

以上哲位宋以前皆稱封爵明嘉靖九年改稱先賢某

子

國朝因之有子朱子升列哲位從一例

東廡先賢

四十位

先賢公孫僑

字子產鄭人國朝咸豐七年從祀

先賢林放

字子邱魯人家語史記無文翁石壁有明嘉靖九年改祀於鄉本朝雍正二年從祀

先賢原憲 字子思宋人鄭康成曰魯人檀弓作仲憲

先賢南宮适 家語作緇史記作括並字子容魯人或疑敬叔非

先賢商瞿 字子木魯人

先賢漆雕開 字子若史記作子開蔡人鄭云魯人

先賢司馬耕 字子牛宋人家語名犁耕

先賢梁鱣 一作鯉字叔魚齊人

先賢冉儒 字子魯一作子曾家語作冉儒字子魚魯人

先賢伯虔 古本家語作伯處字子皙史記作子析今本家語作子楷魯人

先賢冉季 字子產魯人一字子達

東陽縣志

卷八

學校

先賢漆雕徒父 家語作漆雕從字子文或作子有或作子友魯人史語無註

先賢漆雕哆 字子斂魯人今本家語哆作侈

先賢公西赤 字子華魯人

先賢任不齊 字子選史記字選魯人

先賢公良孺 字子正陳人

先賢公肩定 家語作公肩字子重一作子仲史記作公堅定字子中魯人或曰衛人晉人

先賢鄒單 或作鄒單字子家魯人家語無史記有

先賢罕父黑 古本家語史記皆字子索或作子素今本家語作宰父黑字子黑魯人

先賢榮旂 家語作祈字子祺一作子祈古本家語字子顏魯人

先賢左人郢 字行家語作左郢字子行魯人左人以官爲姓

先賢鄭國 字子徒魯人家語作薛邦字子從或云鄭人或以爲兩人

先賢原亢 字子籍史記作原亢籍正義亢作亢仁勇反古本家語作伉字籍一作原桃魯人

先賢廉潔 史記古本家語皆作潔字庸亦字子庸今本家語字子曹衛人

先賢叔仲會 叔仲氏字子期會一作會魯人鄭氏云晉人

先賢公西輿如 字子上今本家語作公西與魯人

先賢邾異 字子斂家語邾選魯人一作邾異文翁作國選避漢諱

先賢陳亢 說文作伉字子禽亦字子亢陳人家語有史記無

先賢琴張 家語牢字子開一字子張衛人史記無

棗陽縣志

卷八

學校

先賢步叔乘 字子車齊人一作少叔乘廣韻注步叔複姓

先賢秦非 字子之魯人

先賢顏噲 字子聲魯人以上唐開元二十七年從祀

先賢顏何 字冉魯人古本家語以字稱今本無史記有明嘉靖元年罷祀本朝雍正二年復祀

先賢縣直 字子象魯人索隱作縣豐廣韻注作縣直父家語有史記無或云卽鄭單也檀弓有縣子本

朝雍正二年增祀

先賢牧皮 家語史記皆不載趙岐曰收皮與琴張曾皙皆事孔子學者也本朝雍正二年增祀

先賢樂正克 孟子弟子趙岐曰周人本朝雍正二年增祀

先賢萬章 齊人本朝雍正二年增祀

先賢周敦頤 字茂叔宋道州人諡元宋淳祐元年從祀明崇禎十五年改稱先賢

先賢程顥 字伯淳宋河南人稱明道先生諡純宋淳祐元年從祀明崇禎十五年改稱先賢

先賢邵雍 字堯夫宋河南人諡康節宋咸淳三年從祀明崇禎十五年改稱先賢

西廡先賢 三十九位

先賢遽瑗 字伯玉衛人家語史記無文翁石壁有明嘉靖九年改祀於鄉 本朝雍正二年復祀

先賢澹臺滅明 字子羽魯武城人 以下諸弟子唐開元二十七年從祀

先賢宓不齊 字子賤魯人

先賢公冶長 字子長范甯云字子芝魯人史記作齊人古本家語作公冶長

先賢公皙哀 字季次家語字季沈哀一作克齊人

棗陽縣志 卷八 學校

先賢高柴 字子羔左傳季羔檀弓子臯齊人

先賢樊須 字子遲魯人鄭康成曰齊人

先賢商澤 家語字子秀一作子季魯人

先賢巫馬施 家語作期字子期史記字子旗陳人

先賢顏幸 史記作幸一作柳一作韋字子柳魯人

先賢曹卹 字子循蔡人

先賢公孫龍 字子石古本家語龍作寵衛人鄭云楚人正義趙人

先賢秦商 今本家語字不慈古本字丕茲史記作子丕魯人

先賢顏高 字子驕家語作顏刻又名菟魯人



先賢壤駟赤 字子徒家語壤作

先賢石作蜀 字子明古本家語石之蜀

先賢公夏首 字乘家語公夏

先賢后處 字子里齊人家語

先賢奚容蒧 字子哲家語作奚蒧字子楷一作子楷

先賢顏祖 字襄史記有古本家語無

先賢句井疆 今本家語字子界

先賢秦祖 字子南

先賢縣成 字子祺今本家

齊陽縣志 卷八 學校 九

先賢公祖句茲 家語作公祖茲

先賢燕伋 字思古本家語作

先賢樂欬 家語作欣字

先賢狄黑 史記字哲一作子哲家語

先賢孔忠 今本家語作弗字子

先賢公西蒧 史記字子上家

先賢顏之僕 字子叔

先賢施之常 字子恆家語作子常魯人

先賢申枏 家語作申績又作績字子周史記申黨又作績

棠字周魯人即申枏也明嘉靖九年存申枏

先賢左邱明 字子明魯太史唐貞觀二十一年配祀稱先儒明崇禎十五年改先賢位七十子下

先賢秦冉 字開或作子開魯人家語無史記有明嘉靖九年罷祀本朝雍正二年復祀

先賢公明儀 國朝同治三年從祀

先賢公都子 齊人本朝雍正二年增祀

先賢公孫丑 齊人本朝雍正二年增祀

先賢張載 字子厚宋大梁人遷郿縣稱橫渠先生諡明宋淳祐元年從祀明崇禎十五年改稱先賢

先賢程頤 字正叔明道先生弟稱伊川先生諡正宋清祐元年從祀明崇禎十五年改稱先賢

以上先賢位宋以前從祀者皆稱封爵明嘉靖九年改

稱先賢某子周張程邵五子嘉靖時稱先儒崇禎十五

棗陽縣志 卷八 學校

年改稱先賢位在七十子之下漢唐諸儒之上

國朝俱稱先賢不稱子

東廡先儒 三十一位

先儒公羊高 春秋時齊人唐貞觀二十一年配祀

先儒伏勝 字子賤秦時濟南人唐貞觀二十一年配祀

先儒毛亨 魯國人國朝同治二年從祀

先儒孔安國 字子國先聖十一世孫漢武帝時人唐貞觀二十一年配祀

先儒后蒼 字近君漢東海鄉人明嘉靖九年從祀

先儒鄭康成 漢高密人唐貞觀二十一年配祀明嘉靖九年改祀於鄉本朝雍正二年復祀

先儒范甯 字武子晉南陽人唐貞觀二十一年配祀明嘉靖九年改祀於鄉 本朝雍正二年復祀

先儒陸贄 字敬輿唐嘉興人諡宣國朝道光六年從祀

先儒范仲淹 字希文宋吳縣人諡文正本朝康熙五十四年從祀

先儒歐陽修 字永叔宋廬陵人諡文忠明嘉靖九年從祀

先儒司馬光 字君實宋陝州夏縣人諡文正宋咸淳三年從祀

先儒謝良佐 字顯道宋上蔡人國朝道光二十九年從祀

先儒羅從彥 字仲素宋南劍羅源人稱豫章先生諡文質明萬曆四十七年從祀

先儒李綱 字伯紀宋邵武人諡忠定國朝咸豐元年從祀

先儒張栻 字敬夫宋漢州綿竹人稱南軒先生諡宣宋景定二年從祀

棗陽縣志

卷八

學校

十一

先儒陸九淵 字子靜宋金谿人稱象山先生諡文安明嘉靖九年從祀

先儒陳淳 字安卿宋漳州龍溪人稱北溪先生本朝雍正二年增祀

先儒真德秀 字景元後更為景希宋浦城人稱西山先生諡文忠明正統二年從祀

先儒何基 字子恭宋婺州金華人諡文定本朝雍正二年增祀

先儒文天祥 字宋瑞宋廬陵人諡忠烈國朝道光二十三年從祀

先儒趙復 字仁甫元德安人稱江漢先生本朝雍正二年增祀

先儒金履祥 字吉父元蘭溪人稱仁山先生諡文安本朝雍正二年增祀

先儒陳澹 字可大元江西都昌人稱雲莊先生又稱經歸先生本朝雍正二年增祀

先儒方孝孺 字希古明台州人國朝同治二年從祀

先儒薛瑄

字德溫明山西河津人稱敬軒先生諡文清明隆慶五年從祀

先儒胡居仁

字叔心明江西餘干人號敬齋追諡文敬明萬曆十二年從祀

先儒羅欽順

字允升明江西泰和人號整菴諡文莊本朝雍正二年增祀

先儒呂枬

字仲木明高陵人諡文簡國朝同治二年從祀

先儒劉宗周

字啓東號念臺明山陰人稱戡山先生本朝賜諡忠介道光二年增祀

先儒孫奇逢

字啓泰號鍾元直隸容城人道光八年從祀

先儒陸隴其

初名龍其後改今名字稼書國朝浙江平湖人諡清獻雍正二年增祀

西廡先儒

三十位

先儒穀梁赤

顏師古曰名喜阮孝緒曰名俶字元始春秋時魯人唐貞觀二十一年配祀

棗陽縣志

卷八

學校

三

先儒高堂生

漢魯人本齊公族唐貞觀二十一年配祀

先儒董仲舒

漢廣川人元至順元年從祀

先儒毛萇

字長公漢趙人稱小毛公唐貞觀二十一年增祀

先儒杜子春

漢河南緱氏人唐貞觀二十一年配祀

先儒諸葛亮

字孔明漢瑯琊陽都人諡忠武本朝雍正二年增祀

先儒王通

字仲淹隋河東龍門人私諡文中子明嘉靖九年從祀

先儒韓愈

字退之唐鄧州南陽人諡文宋元豐七年從祀

先儒胡瑗

字翼之宋泰州海陵人初諡安定改諡文昭明嘉靖九年從祀

先儒韓琦

字稚圭宋相州安陽人諡忠獻國朝咸豐二年從祀

先儒楊時 字中立 宋南劍將樂人 號龜山 先生諡文靖 明宏治九年從祀

先儒尹焞 字彥明 一字德充 宋洛人 賜號和靖 處士 本朝雍正二年增祀

先儒胡安國 字康侯 宋崇安人 諡文定 明正統二年從祀

先儒李侗 字愿中 宋南劍州劍浦人 稱延平先生 明萬曆四十七年從祀

先儒呂祖謙 字伯恭 宋婺州稱東萊先生 諡成宋景定二年從祀

先儒黃榦 字直卿 號勉齋 宋福建閩縣人 諡文肅 本朝雍正二年增祀

先儒蔡沈 字仲默 宋建陽人 稱九峯先生 明正統二年從祀

先儒魏了翁 字華父 宋邛州蒲江人 稱鶴山先生 諡文靖 本朝雍正二年增祀

先儒王柏 字會之 宋婺州金華人 諡文憲 本朝雍正二年增祀

棗陽縣志

卷八

學校

先儒陸秀夫 字君寶 宋楚州鹽城人 國朝咸豐九年從祀

先儒許衡 字仲平 元河內人 號魯齋 諡文正 元皇慶二年從祀

先儒吳澄 字幼清 元宗仁人 諡文正 明正統八年從祀 嘉靖九年罷祀 本朝乾隆二年復祀

先儒許謙 字益之 元金華人 稱白雲先生 諡文懿 本朝雍正二年增祀

先儒曹端 字正夫 明河南澠池人 諡靖修 國朝咸豐十年從祀

先儒陳獻章 字公甫 明廣東新會人 稱白沙先生 追諡文恭 明萬曆十二年從祀

先儒蔡清 字介夫 明福建晉江人 號虛齋 追諡文莊 本朝雍正二年從祀

先儒王守仁 字伯安 明餘姚人 稱陽明先生 諡文成 明萬曆十二年從祀

先儒呂坤 字叔簡 號新吾 河南甯陵人 道光五年從祀

先儒黃道周 字幼平號石臺福建漳浦人 道光二年從祀

先儒湯斌 字孔伯號潛菴 國朝河南睢州人 諡文正道光三年增祀

以上先儒位明嘉靖以前皆稱封爵嘉靖九年改稱先儒某子

國朝稱先儒不稱子

附改祀於鄉三人 明嘉靖九年

鄭眾 字仲師東漢開封人 盧植 字子幹東漢涿郡人 服虔 字子慎東漢滎陽人

罷祀十一人 明洪武二十九年退揚雄餘十人嘉靖九年黜

公伯寮 字子周魯人 荀况 字卿周末趙人以言性惡黜

棗陽縣志 卷八 學校 古

戴聖 字次君漢梁人以賦吏黜 楊雄 字子雲漢成都人以事王莽黜

劉向 字子政漢宗室以誦神仙方術黜 賈逵 字景伯東漢扶風人以附會圖讖黜

馬融 字季長東漢扶風人以貪鄙附勢黜 何休 字邵公東漢任人以黜周王魯註風角黜

王弼 字輔嗣魏山陽人以旨宗老莊黜 王肅 字子雍魏東海刻人以黨司馬氏篡位黜

杜預 字元凱晉杜陵人以黨貴要為將好殺黜

歷代尊崇典禮

漢高帝十二年自淮南過魯以太牢祭孔子此後世帝王祀

孔子之始成帝綏和元年詔封孔子世為殷紹嘉公以主殷

後封爵自此始

平帝元始元年追謚孔子褒成宣尼公謚號自此始  
東漢安帝祀七十二弟子於闕里祀弟子自此始皆止立廟  
於太學及闕里

魏文帝修魯郡舊廟廣爲屋室居學者學廟始合一

唐乾封七年追謚太師天授元年封隆道公皆有圖像開元  
初圖七十二賢於壁二十七年追謚文宣王顏子贈兗國公  
餘贈侯伯祭用明衣牲牢其後革明衣

宋建隆三年詔廟門立戟十六枝用正一品禮太平興國三  
年詔令後裔襲封文宣公真宗大中祥符元年上欲謚爲

棗陽縣志

卷八

學校

五

廷臣言孔子周陪臣周止稱王不當加帝追謚文宣王桓  
一冕九旒服九章公十哲侯七十子五年改稱至聖文宣王  
大觀四年詔門戟二十四王執鎮圭崇甯四年改用冕十二  
旒

元成宗謚大成至聖文宣王

明洪武初國子司業宋濂上言荀况謂性惡楊雄事王莽王  
弼宗莊老賈逵忽細行杜預建短喪馬融黨權勢宜黜回參  
叔坐饗堂上而其父食廡下非禮上不直其說三年詔封爵  
如故門去戟黜楊雄從祀十七年定祭器祭服儀式太學用





廡

雍正二年加封孔子五代王爵復蘧瑗林放秦冉顏何從祀  
爲先賢復鄭康成范甯從祀爲先儒又增縣直牧皮樂正子  
公都子萬章公孫丑六人從祀爲先賢增漢諸葛亮宋尹焞  
魏了翁黃幹陳淳何基王柏趙復元金履祥許謙陳澧明羅  
欽順蔡清

國朝陸隴其從祀爲先儒又

詔增宋儒張子載之父迪從祀崇聖祠三年頒生民未有額  
五年奉

棗陽縣志

卷八

學校

七

上諭避孔子諱加下旁讀作期每歲八月二十七日遇

先師聖誕文武官各致齋一日不理刑名禁止屠宰八年令  
州縣學宮春秋丁祭以太牢

乾隆元年頒與天地參額二年進先賢有子祀殿內位次卜  
子准尙書甘汝來請復元儒吳澄從祀廟廡五年定樂用六  
佾設樂舞生四十名免府縣試九年頒祭祀樂章

嘉慶四年頒聖集大成額

道光元年頒聖協時中額二年增劉宗周從祀三年增湯斌  
從祀五年增黃道周從祀六年增陸贄呂坤從祀八年增孫

奇逢從祀二十三年增文天祥從祀二十九年增謝良佐從祀

咸豐元年頒德齊幃載額增李綱從祀二年增韓琦從祀三年先賢申增公明儀從祀七年准禮部奏以公孫僑從祀先賢孔子之兄孟皮配享 崇聖祠九年增陸秀夫從祀十年增曹端從祀

同治二年禮部議奏

文廟位次頒發圖說遵照辦理又准禮部議奏魯人毛亨明臣方孝孺呂柟從祀河間顏芝明臣楊繼盛漢儒劉向鄭眾

棗陽縣志

卷八

學校

六

盧植毋庸從祀三年頒聖神天縱額

致祭禮節

每歲以春秋仲月上丁日致祭與祭各官皆在家致齋三日先期一日各官齊赴

聖廟階下具朝服上香行三跪九叩頭禮畢教官視滌器承祭官省牲設香案獻爵奠酒宰牲取血執事生捧送各壇供奉承祭官俟安設畢一揖退

正祭日子刻承祭官分獻官陪祭各官衣朝衣齊集由兩傍門入序立陰陽生報鼓三次贊引生導承祭官至盥洗所盥

洗畢引至臺階下通贊唱樂舞生就位執事生各司其事分獻官陪祭官各就位唱畢贊引生贊就位承祭官就拜位立分獻官陪祭官隨後立通贊唱瘞毛血執事生捧毛血盤出瘞畢通贊唱迎神樂奏昭平之章樂作贊引生贊跪叩興承祭官分獻官陪祭官俱行三跪九叩首禮興樂止通贊唱奠帛行初獻禮樂奏宣平之章樂作贊引生贊陞壇引承祭官由東階上進殿左門贊引生贊詣

至聖先師孔子位前承祭官至案前立贊引生贊上香跪承祭官跪贊獻帛司帛生捧帛跪進承祭官受帛拱舉獻畢贊

棗陽縣志

卷八

學校

九

引生贊獻爵司爵生捧爵跪進承祭官受爵拱舉獻畢行一跪一叩頭禮興贊引生贊詣讀祝位承祭官至讀祝位立讀祝生捧祝版立於案左樂止贊引生贊跪承祭官讀祝生分獻官陪祭各官俱跪贊引生贊讀祝文讀祝生讀畢捧祝版立

至聖位前跪安帛匣內三叩頭退樂作贊引生贊叩興承祭官及各官三叩頭興贊詣復聖顏子位前承祭官就位立贊上香跪承祭官跪贊獻帛司帛生捧帛跪進於案左承祭官受帛拱舉獻畢贊獻爵司爵生捧爵跪進於案左承祭官受

爵拱舉獻畢贊叩興承祭官一叩頭興贊詣宗聖曾子位前  
獻帛獻爵如前儀贊詣述聖子思子位前獻帛獻爵如前儀  
贊詣亞聖孟子位前獻帛獻爵如前儀其十哲兩廡分獻官  
俱照承祭官陞壇獻帛獻爵如前儀行禮畢贊引生贊復位  
承祭官分獻官仍詣拜位立樂止通贊唱行亞獻禮樂奏秩  
平之章樂作贊引生贊陞壇獻爵如初獻儀畢贊引生贊復  
位承祭官分獻官各復位立樂止通贊唱行終獻禮樂奏敘  
平之章樂作贊引生贊陞壇獻爵如亞獻儀畢贊引生贊復  
位承祭官分獻官各復位立樂止通贊唱飲福受胙贊引生

贊詣飲福受胙位承祭官至殿內立司酒胙二人捧酒胙至  
正位案前拱舉至飲福受胙位右旁跪接酒胙二人在左旁  
跪贊引生贊跪承祭官跪贊飲福酒承祭官受爵拱舉授接  
爵者贊引生贊受胙承祭官受胙拱舉授接胙者贊引生贊  
叩興承祭官三叩頭興贊復位承祭官復位立行謝福胙禮  
贊引生贊跪叩興承祭官分獻官俱行一跪三叩頭禮興通  
贊唱徹饌樂奏懿平之章樂作徹畢樂止通贊唱送神樂奏  
德平之章樂作贊引生贊跪叩興承祭官分獻官陪祀官皆  
行三跪九叩頭禮興樂止通贊唱讀祝者捧祝司帛者捧帛

司饌者捧饌各恭詣望瘞位承祭官退至西旁立俟祝帛過  
仍復位立通贊唱望瘞樂奏咸平之章樂作贊引生贊詣望  
瘞位引承祭官至望瘞位立祝帛焚訖贊禮畢退班

祝文

維

先師德隆千聖道冠百王揭日月以常行自生民所未有屬  
文教昌明之會正禮和樂節之時辟雍鐘鼓咸恪薦於馨香  
泮水膠庠益致嚴於邊豆茲當仲春秋祇率彝章肅展微忱聿  
將祀典以復聖顏子宗聖曾子述聖子思子亞聖孟子配尚饗

棗陽縣志

卷八

學校

三

祭品

至聖位前下陳牛一色尚黑羊一豕一皆有上設帛一用白

籩爵三用白磁盛登一羹釶二盛和簠二盛黍簋二盛稻

邊十實以形鹽鱮魚鹿脯棗栗榛菱芡白餅黑餅豆十實以韭菹醢醢菁菹鹿醢

析豚大尊壺尊山尊各一設獻案上雲貯初象尊貯亞犧尊獻酒

貯三龍勺挹取尊內酒罍貯洗受洗棄水以上六獻酒實於爵者爵水洗器另案置廟東南隅

四配各為一筵下陳羊一豕一上設每筵帛各一用白爵各

三釶二簠二簋二邊八無白餅黑餅豆八無脾析豚胎雲餘與前同罍

尊一

十二哲東西各爲一筵每筵各總陳豕一豕首一盛以帛一

雲罍尊一每兩位共一案其爵劍如四配簠簋各一邊四實

形鹽棗豆四實以菁菹芹其執事同四配

兩廡東西各三筵每筵豕各一帛各一尊各一每四位共一

案每案銅爵各三豕肉各一盛以其簠簋邊豆之數同諸哲

其執事同四配

### 樂章

聖廟所奏樂章向遵舊譜乾隆八年新頒樂章易和名平乾

隆五十一年頒發春秋釋奠樂章譜變俗從雅用古宮商而

棗陽縣志 卷八 學校 三

兼注俗樂工尺字使天下咸知七音配合之法又春秋立宮

主調不同簫笛音律高下各異司樂者肄習既久自能漸通

雅奏今載昭平諸章亦分列春秋二譜

春夾鐘清商立宮 倍應鐘清變宮主調

迎神昭平

大變宮哉商孔角子變徵先變宮覺羽先變徵知角

與商天角地羽參變徵萬變宮世羽之變徵師變徵

祥變徵麟商紘角韻商答羽金變宮絲羽

日商月角旣變宮揭變徵乾商坤角清商夷變宮

初獻宣平

子變宮懷商明角德變徵

玉羽振商金變宮聲羽

生商民商未羽有變徵

展商也商大變徵成角

俎變徵豆羽千變宮古變徵

春角秋角上變徵丁角

清變宮酒羽既商載變宮

其商香角始商升變宮

亞獻秩平

式變宮禮商莫角愆變徵

升羽堂變再商獻變宮

響羽協變徵蕤商鏞角

誠變徵孚羽罍變徵甗變宮

肅變徵肅變徵雍角雍角

譽商髦變宮斯羽彥變宮

棗陽縣志

卷八

學校

三

禮羽陶變徵樂商淑角

相變徵觀角而商善變宮

終獻敘平

自變宮古商在變徵昔角

先羽民變徵有商作角

皮變徵弁羽祭商菜變宮

於羽論變徵思角樂商

惟變徵天羽牖變宮民變徵

惟商聖羽時商若角

彝變徵倫變徵攸羽敘變宮

至羽今變徵木商鐸變宮

徹饌懿平

先變宮師商有角言變徵

祭變宮則羽受變宮福變徵

四商海變宮鬯變徵宮羽

疇商敢角不商肅變宮

禮變徵成羽告變宮徵變徵母商疏角母商濱變宮

樂變徵所羽自商生變宮中變徵原角有商菽變宮

送神德平

鳧變宮釋商莪角莪變徵洙羽泗變宮洋商洋角

景羽行變徵行變徵止羽流商澤角無變徵疆角

聿變徵昭羽祀商事變宮祀變宮事羽孔商明角

化變宮我變徵蒸變宮民羽育商我角膠商庠變宮

秋南呂清徵立宮 仲呂清角主調

迎神昭平

棗陽縣志

卷八

學校

二

大角哉徵孔羽子變宮先角覺商先變宮知羽

與徵天羽地商參變宮萬角世商之變宮師變宮

祥變宮徵商麟徵紘羽韻徵答商金角絲商

日徵月羽既角揭變宮乾徵坤羽清徵夷角

初獻宣平

予角懷徵明羽德變宮玉商振徵金角聲商

生羽民徵未商有變宮展徵也羽大變宮成羽

俎變宮豆商干角古變宮春羽秋羽上變宮丁羽

清角酒商既徵載角其徵香羽始徵升角



亞獻秩平

式角

禮徵莫羽愆變宮

升商

堂變宮再徵

獻角

響商

協變宮鼗徵鏞羽

誠變宮

孚商鼙變宮

廟角

肅變宮

肅變宮雍羽雍羽

譽徵

髦角斯商

彥角

禮商

陶變宮樂徵淑羽

相變宮

觀羽而徵

善角

終獻秩平

自角

古徵在變宮昔羽

先商

民變宮有徵

作羽

皮變宮

弁商祭徵菜角

於商

論變宮思羽

樂徵

惟變宮

天商牖角民變宮

惟徵

聖商時徵

若羽

棗陽縣志

卷八

學校

三五

彝變宮

倫變宮攸商敘角

至商

今變宮木徵

鐸角

徹饌懿平

先角

師徵有羽言變宮

祭角

則商受角

福變宮

四徵

海角鬯變宮宮商

疇徵

敢羽不徵

肅角

禮變宮

成商告角徹變宮

母徵

疏羽母徵

瀆

樂變宮

所商白徵生角

中變宮

原羽有徵

菽角

送神德平

鳧角

繹徵戕羽戕變宮

洙商

泗角洋徵

洋徵

景商

行變宮行變宮止商

流徵

澤羽無變宮

疆羽

聿變宮昭商祀徵事角 祀角 事商孔徵 明羽

化角 我變宮蒸角民商 育徵 我羽膠徵 庠角

樂器

堂上之樂琴用四瑟用六堂下之樂笙簫笛各六排簫二編鐘編磬應鼓楹鼓各一搏拊鼓排鼓各二祝敔各一樂人如其器之數舞用六佾羽籥三十有六麾一旌二木笏六佾生如其佾之數

御製

至聖先師孔子贊弁序 康熙二十五年

棗陽縣志 卷八 學校 三

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉剛述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義堙塞斯道之失傳也久矣後之人而欲探二帝三王之心法以為治國平天下之準其奚所取衷焉然則孔子之為萬古一人也審矣朕巡省東國謁祀闕里景企滋深敬摘筆

而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰美牆可晤孔子之道惟中與庸此心此理千載所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載厯庭除式觀禮器摘毫仰贊心焉遐企百世而上以聖爲歸

棗陽縣志

卷八

學校

七

百世而下以聖爲師非師夫子惟師於道統天御世惟道與寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

御製顏子贊

康熙二十八年

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用舍行藏王道之器

曾子贊

洙泗之傳魯以得之一貫曰唯聖學在茲明德新民止善爲

期格致誠正均平以推至德要道百行所基纂承統緒修明  
訓辭

子思子贊

於穆天命道之大原靜養動察庸德庸言以育萬物以贊乾  
坤九經三重大法是存篤恭慎獨成德之門卷之藏密擴之  
無垠

孟子贊

哲人既萎楊墨昌熾子輿闢之曰仁曰義性善獨闡知言養  
氣道稱堯舜學屏功利煌煌七篇並垂六藝孔學攸傳禹功

棗陽縣志

卷八

學校

六

作配

御贊四賢贊并序

乾隆十三年

聖門弟子三千其賢者七十有二人史記家語各爲紀其姓  
氏考其事迹以垂之後世而能契夫子之心傳得道統之正  
脈者則惟顏曾思孟四人顏子得克己復禮之說曾子與聞  
一貫之傳親炙一堂若堯舜禹之相授受篋乎尙矣子思師  
事曾子發明中庸之道而歸其功於爲己謹獨孟子當戰國  
橫流之時私淑子思距楊墨閑聖道而養氣之論爲前聖所  
未發昌黎韓子以爲其功不在禹下有以也庚戌秋偶閱有

宋諸儒傳因思宋儒所宗者孔子之道也孔子之道賴顏曾  
思孟而傳今聖廟祀典四子升配堂上爲百代之楷模因各  
係以贊用誌景行之私云爾

復聖贊曰貧也者吾不知其所惡壽也者吾不知其所慕德  
以潤身孰謂其貧心以傳道孰謂難老簞瓢陋巷至樂不移  
仰高鑽堅三月無違夫子有言克己成性用致其功允成復  
聖

宗聖贊曰宣聖轍環在陳興歎孰是中行授茲一貫曾子攷  
攷惟聖依歸唯而不疑以魯得之會友輔仁任道重遠十傳

棗陽縣志

卷八

學校

元

釋經超商軼偃念彼先子沂水春風淵源益粹篤實畚容臨  
深履薄得正以終三千雖多獨得其宗

述聖贊曰天地儲精川嶽萃靈是生仲尼玉振金聲世德作  
求孝孫維則師會傳孟誠身是力眷茲後學示我中庸位天  
育物致和致中夫子道法堯舜文武紹乃家聲述乃文祖

亞聖贊曰戰國春秋又異其世陷溺人心豈惟功利時君爭  
雄處士橫議爲我兼愛箠鼓樹幟魯連高風陳仲廉士所謂  
英賢不過若是於此有人入孝出弟一髮千鈞道脈永繫能  
不動心知言養氣治世之畧堯舜仁義愛君澤民惓惓餘意

欲入孔門非孟何自孟丁其難顏丁其易語默故殊道無二  
致卓哉亞聖功在天地

欽定四庫全書  
禮記卷八

東陽縣志

卷八

學校

三

爵



爵范銅爲之通高四寸六分深二寸三分兩柱高七分三  
足相距各一寸五分高二寸腹爲雷紋饗養形

# 登



登范銅爲之通高六寸深二寸口徑四寸九分枝圍六寸九分足徑四寸七分口爲回紋中爲雷紋柱爲饗饗足爲垂雲紋蓋高一寸六分徑四寸六分頂高三分上爲星紋中垂雲紋口亦回紋

## 棗陽縣志

### 卷八

學校

三

# 鉶



鉶范銅爲之高四寸一分深四寸口徑五寸一分底徑三寸三分三足高一寸三分兩耳爲犧形口繪藻紋次回紋腹貝紋蓋高二寸二分頂有三峯高一寸飾以雲紋足紋同

# 簋



簋范銅爲之、通高四寸六分、深二寸一分、口縱六寸四分、橫八寸、底縱五寸一分、橫六寸四分、面爲夔龍紋、束爲回紋、足爲雲紋、兩耳附以夔龍、蓋高一寸四分、口縱橫與器同、上有稜四周、縱四寸一分、橫六寸四分、亦附以夔龍耳。


# 簋



簋范銅爲之、通高四寸二分、深二寸一分、口徑七寸二分、底徑六寸、口爲回紋、腹雲紋、束黻紋、足星雲紋、兩耳附以夔鳳、蓋高一寸八分、徑與口同、面雲紋、口回紋、上有稜四出、高一寸一分。



# 簋




簋編竹爲之以絹飾裏頂及緣皆髹以漆紅色通高五寸四分深八分口徑四寸六分足徑四寸蓋高一寸九分徑與口同頂正圓高四分

# 豆



豆范銅爲之通高五寸五分深二寸口徑四寸九分校圍二寸足徑四寸七分腹爲垂雲紋回紋校爲波紋金鉞紋足爲黻紋蓋高二寸二分徑與口同爲波紋回紋頂爲綯紐高三分

# 筐



筐編竹爲之四周髹以漆丹飾高五寸縱五寸橫二尺二寸五分足高一寸蓋高一寸七分



# 棗陽縣志

## 卷八

學校

三四

# 俎



正位俎木爲之髹以丹中區爲三錫裏外銅環四足八有跗縱六尺有奇橫三尺二寸通高二尺六寸有奇配位俎中區爲二錫裏加蓋外左右各銅環二足六有跗縱三尺

九寸橫二尺八寸通高二尺七寸有奇餘如正位制若位  
從位崇聖祠各俎並如配位制

# 尊




尊范銅爲之通高八寸六分口徑五寸一分腹圍二尺四  
寸底徑四寸六分足高二分兩耳爲犧首形  
按國子監志尊制有七曰泰尊曰犧尊曰象尊曰山尊曰  
雷尊曰著尊曰壺尊今獻酌 先師准用著尊

# 祝版



祝版木爲之高九寸廣一尺二寸外黝中質髹以朱漆祝  
文墨書白紙黃緣別有小几通高七寸五分廣四寸五分  
長九寸五分

祝版案



均以木為之髹以朱案長三尺三寸桌長六尺二寸


棗陽縣志

卷八


學校

三六

酒尊桌



鐙



鐙范銅為之或以錫或以鐵或以木重臺三足高下視燭大小凡五等紋飾惟足或用素質

# 香鑪

香鑪范銅為之圓形中束通高三尺耳高一尺二寸口高二寸腹高一尺二寸足高一尺三寸口圍五尺六寸腹圍七尺足圍九寸素質無文



## 欽定祭品勛兩

- |          |         |
|----------|---------|
| 黍米三斗九升   | 稷米一斗五升  |
| 稻米三斗九升   | 梁米一斗    |
| 麥麩二斤     | 蕎麥麩二斤   |
| 菁一百四十三斤  | 芹八十七斤   |
| 韭十斤      | 葱五斤     |
| 酒一百二十瓶   | 滌魚酒二瓶   |
| 鹽磚二十斤    | 白鹽四斤    |
| 紅棗一百四十三斤 | 栗一百八十四斤 |
| 榛仁十七斤八兩  | 菱米三十斤   |
| 芡實三十五斤   | 白糖一斤    |
| 花椒八兩     | 茴香八兩    |
| 蒔蘿四兩     | 大蕘魚十尾   |
| 小蕘魚十尾    | 醃魚二十斤   |
| 大筍十塊     |         |

崇聖祠正位

肇聖王木金父公

名木字金父宋人孔父嘉子孔子五世祖

裕聖王祈父公

或作畢夷父或作皐夷父或云名皐字祈父宋人木金父子孔子高祖

詒聖王防叔公

魯防邑大夫後世因號防叔祈父子孔子曾祖

昌聖王伯夏公

防叔子孔子祖

啓聖王叔梁公

名紇字叔梁伯夏子孔子父魯鄆邑大夫

以上正位明嘉靖九年於大成殿後立啓聖祠祀叔梁公

國朝雍正元年

詔封孔子先世王爵合祀五代更名啓聖祠爲崇聖祠

棗陽縣志

卷八

學校

三

東配

先賢孔氏

孟皮孔子之兄國朝咸豐七年配享

先賢顏氏

無繇家語顏由亦作繇明正統三年闕里配嘉靖九年通配

先賢孔氏

鯉字伯魚宋咸淳三年列祀孔忠之次明正統三年闕里配嘉靖九年通配

西配

先賢曾氏

點字子皙史記作歲字皙明正統三年闕里配嘉靖九年通配

先賢孟孫氏

激字公宜明正統三年闕里配嘉靖九年通配

東廡先儒

先儒周氏

字輔成先賢敦頤之父明萬曆二十二年從祀

先儒程氏

字伯溫先賢顓頊之父明嘉靖九年從祀

先儒蔡氏

字季通先儒沈之父稱西山先生諡文節明嘉靖九年從祀

西廡先儒

先儒張氏

字迪先賢載之父本朝雍正二年增祀

先儒朱氏

字喬年號韋齋先賢朱子父元追諡靖獻明嘉靖九年從祀

以上先賢先儒位明嘉靖時稱先賢某氏先儒某氏

國朝因之

名宦祠在戟門之左

祀宋知棗陽軍孟宗政

元副萬戶齊珪

知縣王麒

棗陽縣志

卷八

學校

元

明知縣楊瑛

知縣徐紳

知縣安邦

知縣王應辰

知縣王之翰

教諭董伯圭

教諭廖觀海

鄉賢祠在戟門之右

祀漢舞陰侯岑彭

全椒侯馬成

侍中馬良

唐秘書省正字岑文本

明溫州知府李端

賓州知州

錢積中

蘇松巡撫王琰

國朝隴西知縣劉崑

忠義節孝二祠在櫺星門內東西相向雍正五年奉文建

明倫堂舊在大成殿後乾隆九年改爲崇聖祠乃移建於宮

牆之東

順治九年

命禮部頒臥碑於天下學宮置於明倫堂之左曉示生員  
朝廷建立學校選取生員免其丁糧厚以廩膳設學院學道  
學官以教之各衙門官以禮相待全要養成賢才以供朝廷  
之用諸生皆當上報國恩下立人品所有教條開列於後  
一生員之家父母賢智者子當受教父母愚魯或有非爲者  
子旣讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互  
相講究凡利國愛民之事更宜畱心

一生員居心忠厚正直讀書方有實用出仕必作良吏若心  
術邪刻讀書必無成就爲官必取禍患行害人之事者往往  
自殺其身常宜思省

一生員不可干求官長交結勢要希圖進身若果心善德全  
上天知之必加以福

一生員當愛身忍性凡有司官衙門不可輕入卽有切己之  
事止許家人代告不許干與他人詞訟他人亦不許牽連生  
員作證



一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓忽致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

欽頒訓飭士子文

康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風

棗陽縣志

卷八

學校

四

教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀甯無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅母事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制

官長或隱糧包訟出入公門或唆撥奸猾欺孤凌弱或招呼朋類結社邀盟乃如之人名教不容鄉黨弗齒縱倖脫襁扑濫竊章縫返之於衷甯不愧乎况夫鄉會科名乃掄才大典關係尤鉅士子果有真才實學何患困不逢年願乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲訓言頒到

棗陽縣志

卷八

學校

四

爾等務共體朕心恪遵明訓一切痛加改省爭自濯磨積行勤學以圖上進國家三年登造東帛弓旌不特爾身有榮卽爾祖父亦增光寵矣逢時得志甯俟他求哉若仍視爲具文玩愒勿做毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳齊諸生多方董勸以副朕懷否則職業弗修咎亦難逭勿謂朕言之不預也爾多士尙敬聽之

欽頒訓飭士子文

乾隆十年

士爲四民之首而大學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦

以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙

於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之士雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬

棗陽縣志

卷八

學校

四

哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

師生員缺

教諭訓導各一員廩生二十名增生二十名歲貢生以廩生食餼次序每二歲貢一人遇

覃恩加貢一人名恩貢生以次貢作正貢附學生歲科試每次額取十五名武生歲試額取十五名無科試

咸豐八年三院具 奏湖北紳民團練出力加廣學額棗陽

縣文武各二名自是歲始永遠遵行遇  
覃恩廣額五名不爲例

同治三年三院續 奏棗陽團練捐輸錢盈萬串請加廣文  
武永遠額各一名自同治四年歲試爲始

### 學田

棗陽初無學田至明萬曆四十年壬子知府萬振孫檄下置  
田知縣王應辰查民田中隱匿者得數家欲隸諸學田遠在  
百里難於收租乃薄使納銀更買邑南田一百七十畝邑西  
田一百五十畝歲租可二百石其抵至佃名租數俱刻有碑

### 棗陽縣志

### 卷八

### 學校

五

明末寇亂佃逃產荒

順治七年庚寅知縣柯聳查得原置田僅一頃九十二畝在  
王家岡蔣家塢方家灣鹿頭店古城各處畝數多寡不等其  
餘荒沒難稽招人墾種得熟田五十八畝每畝納穀一斗共  
該五石八斗每石令折銀五錢八分四釐四毫零共折銀三  
兩三錢九分每年徵完賑濟貧生王家岡地五畝每年租銀  
一兩一錢三分二釐 方家灣瘠地二十畝租銀八錢 鹿  
頭店地二十七畝租銀二兩二錢二分蔣家塢地二畝五分  
租銀二錢九分 優梁河地九十二畝五分租銀五兩五錢

六分

雍正五年知縣高鏐新斷歸陳李店學田一十三畝三分七釐每年除完糧銀六錢七釐外收租銀一兩七錢三分七釐八毫

居仁里六甲祖師殿附近田九十畝

居仁里六甲田地九十畝亦在祖師殿附近

以上田地一百八十畝收租完納錢糧外存留修葺學宮

頒發書籍

周易折衷

全部

棗陽縣志

卷八

學校

吳

書經傳說彙纂

全部

詩經傳說彙纂

全部

春秋傳說彙纂

全部

三經義疏

全部

孝經註

全部

性理精義

全部

十三經註疏

全部

周易述義

全部

詩義折中

全部

春秋直解

全部

朱子全書

全部

大學衍義補

全部

五子近思錄

全部

廿一史

全部

明史

全部

資治通鑑綱目

全部

淵鑑古文

全部

聖諭廣訓

全部

棗陽縣志

卷八

學校

七

欽定四書文

全部

學政全書

全部

書院

滄浪書院在縣東一里今廢

本朝康熙十年知縣劉嗣忠建青山書院於學宮之左亦廢

乾隆十四年知縣徐芳桂復於小東門內直街創建春陵書

院大堂講堂各三間齋房十間廚房一間箭亭三間頭門二

門各三間

道光五年知縣黃臺重修建後樓三間中講堂前穿堂各三

閒生員張玉瑞自將田地捐入遂於後樓左添建書房三間  
迴廊二間頭門西偏居民胡道中將其宅基捐入東西長一  
丈六尺南北八尺因建大門三間西齋鄰街房十二間廚房  
一間十八年知縣鹿啓烈清查田產酌定租課並將莊田畝  
數勒石書院

清陽集田地二百四十畝在白露里十甲卽落河陂

石豬河田地六十畝在高橋里六甲

姚家畝田地三十七畝在車橋里三甲石虎山下

永興店田地二十三畝在新豐里十甲卽狗皮店

棗陽縣志

卷八

學校

四

以上四處共三百六十畝乾隆十四年知縣徐芳桂置

黑龍廟田地二十二畝在遵教里三甲

二郎廟田地二百畝在西定里三甲卽武家岡

馬家岡田地一百四十二畝在縣坊里一甲

南古城田地四十五畝在居仁里六甲卽楊竹菴

以上四處共三百八十五畝康熙元年知縣陽德生置

陳家井田地五十畝在馬陂里二甲

鄒家沖田地二十畝在白露里五甲

靈通寺田地一百八十畝在東安里一甲係廟產充入



火紹棚田地四十畝在西定里三甲係韓瓊充入之地  
大東關市房一所共十一間係職員劉繼向自捐之產  
居仁里六甲田地九十畝所收租錢除完糧外餘錢周恤貧  
生

同治元年生員張蕊榜充入田地二百零四畝坐落北鄉鐵  
廟

二年民人劉良富充入頂當廖學澄田地三十畝坐落南鄉  
盛家廟

四年講堂前添修東廂房二間儀門左添修門房一間

棗陽縣志

卷八

學校

四

宋氏例貢生李方泮之妻自捐田地共計一百二十畝以作  
書院士子膏火之需坐落隨陽店南鄉按年收租

嘉慶二十二年奉

上諭御史周鳴鸞奏請整飭學校一摺各府州縣建置學校  
官以教諭訓導爲名原令其訓誨士子宣揚教化卽書院義  
學之設亦講明正學造就人材非徒爲庸儒脩脯地也如該  
御史所奏各省教官廢棄職業懶於月課書院義學夤緣推  
薦濫膺講席並有索取束脩身不到館者殊失慎選師資之  
義著該督撫學政於所屬教官時加考覈令各勤修學事以

宋幅在此

十七年奉

上諭各省書院延請山長原為激勵人材而設近日竟有薦而不到館者有甫經到館旋取脩金以去者而上司代取脩金轉付者殊屬有名無實著直省督撫各體察情形覈實登頓務使館勿虛曠士有師承

義學二處一在城內北街一在崔橋里隆興寺今俱廢

社學十八處亦廢

考棚

棗邑向無考棚咸豐二年知縣陳子飭創修於小東門內直

棗陽縣志

卷八

學校

五

街春陵書院之東生員張玉瑞自捐園地並契買民房得地基自北至南二十六餘自西至東九丈三尺後建坐樓三間樓左耳房五間右耳房三間樓前建大堂三間堂左耳房五間安設石柱腳棹凳各八道安號九十八位大堂前東西各建棚號三層共計三十間安設石柱腳棹凳九十道東西號共坐九百九十名大堂內棹八張凳八條安設四十位棚號南建二門三間計前後堂舍共五十二間安坐號一千一百二十八位頭門外週圍垣牆二十五丈連接考棚東牆一十四丈墻外官巷南寬七尺北寬五尺四至地基南抵街心北

抵張姓地東抵官巷西抵書院頭門額曰春陵文場二門曰天衢初步大堂曰萃英

宋氏例貢生李方泮之妻自捐田地一百二十畝以作修補考棚之用坐落烏金店耿家灣按年收租

### 賓興

咸豐十一年知縣王玲石留充公錢五百串又本案生息錢六十串交廩生李長春靳燁等十四人承領每年生息以作鄉試賓興之用

同治三年監生王文燦充入所當張光弼地二百二十畝瓦

棗陽縣志

卷八

學校

五

房一所項價一千六百串坐落北鄉姚莊按年收租又李錦章之妻充入地六畝作錢九十六串坐落西門外水場按年收租

四年張氏李開選之妻自捐地五十三畝以作賓興之資坐落西鄉雷家壩按年收租

宋氏例貢生李方泮之妻自捐田地共計二百三十畝以作士子鄉會試賓興之資坐落東鄉侯家灣按年收租

以上五款值年生員二人輪流經營每科一換統計所出之息帶入省中同邑士子按名均分會試每名錢二十串

明倫講學爲士子倡率其書院義學務延經明行修之士講學討論如有學品庸陋之人濫竽充數者立即斥退以勵師儒而端教術

道光二年奉

上諭各省府廳州縣分設書院原以學校相輔而行近日廢弛者多整頓者少院長並不到館及令教職兼充且有并非科第出身之人靦居是席流品更屬冒濫實去各存於教化有何裨益著通諭各直省督撫於所屬書院認真稽查延請品學兼優紳士住院訓課其向不到館支取院俸之弊永行

棗陽縣志

卷八

學校

五二

禁止至各屬教職俱有本任課士之責嗣後亦不得兼充以專責成並著各飭所屬如有書院房屋坍塌應修之處卽行修整俾各士子聚處觀摩以收實效等因欽此

道光十四年奉

上諭省會書院山長應令學政會同督撫司道各大吏公同舉報其各州縣山長應由地方官會同教官紳耆公同舉報務擇經明行修之人認真訓課概不得由上司挾薦亦不得虛列山長名目並不能親赴書院課試仍令學政按臨時就便稽查以昭覈實